

增修登州府志卷之十

學校 祀典 附 書

登州府學宮

在汝舟重建正大統間知府洪武初順三

年知府韓敏成化間知府羅綺增置齋號正德十年知

府寇林建大成門知府羅綺增置齋號正德十年知

府秦偉重修嘉靖十年知府游三建敬亭於櫺星

門西又建啓聖祠於儒學門東三十九年知府盧

萬名宦鄉賢二祠於啓聖祠前後移置大成門西

應元重修崇禎五年仁建尊經閣泰昌元年知府徐

年知府陳鍾盛國朝防院朱國柱順治五年知府

張尙賢各重修十一年知府李經國修兩廡敬一亭

尊經閣康熙四十年同知署知府楊廷望雍正十年

閣至道光二年工竣十年知府英文咸豐五年知府

汪承鏞各勸捐重修其廟制中為大成殿東西為兩

廡其南為神庫外左為庠門東曰禮門西曰義路

池為櫺星門外左為庠門東曰禮門西曰義路

前為廟門街有雲衢坊左右有坊東曰德配天

西曰道貫古今殿後為明倫堂左右四齋曰治平

齊誠正格致東為教授宅西為

訓導宅號房三十五間今廢

大成殿 七楹壇高五尺崇寧四年詔文宣王殿以

學宮此命名之始後歷代皆稱先師廟額頒各路

正七年改用黃瓦乾隆三十四年定於大門增先

師廟額正殿為大成

殿二門為大成門

至聖先師孔子位正中南嚮

增修登州府志

卷十 學校

周敬王四十二年魯哀公十七年誅孔子曰尼父立

廟於舊宅此追諡孔子之始

漢高帝十二年冬十一月上過魯以太牢祀孔子

此祀孔子之始詔諸侯王卿相至郡先謁然後從政此新官蒞

任謁廟之始以孔子後騰為奉聖君此封聖裔承祀之始元始

元年追諡孔子曰褒成宣尼公

東漢永平二年詔國學祀周公孔子此祀孔子於太學之始

十五年春三月東巡至魯幸孔子宅祀仲尼及

七十二弟子此祀孔子弟子之始永元四年追封孔子為

增修登州府志

卷十 學校

二

褒尊侯 元嘉二年春三月詔孔子廟置百石卒

使一人掌領禮器此廟學建官之始光和元年始置鴻

都門學畫先聖及七十二弟子像此立像之始

魏正始二年祀孔子於辟雍以顏淵配此顏子配享之始

北魏太和十六年二月詔宣尼廟敕有司饗薦此有

司廟享之始改諡宣尼曰文聖尼父 興和三年兗州

刺史李珽始建聖像雕塼十子侍側

梁天監四年春詔立州郡學此州郡立學之始

北周大象二年追封孔子為鄒國公

隋開皇初贈孔子爲先師尼父制州郡學以春秋

仲月釋奠

此郡縣二仲  
釋奠之始

唐貞觀元年罷祀周公尊孔子爲先聖以顏淵配

初以周公爲先聖孔子爲先師後以周公  
配享武王尊孔子爲先聖顏子爲先師

四年

詔州縣學皆立孔子廟

此郡縣立  
文廟之始

十一年尊孔

子爲宣父 乾封元年幸曲阜祠孔子追封太師

天授元年追封孔子爲隆道公 開元二十七

年追諡孔子爲文宣王

宋大中祥符元年幸曲阜加諡孔子爲元聖文宣

增修登州府志

卷十

學校

三

王 五年改封孔子爲至聖文宣王 政和元年

詔郡縣犯先聖諱者悉改正

此避諱  
之始

咸淳三年

帝詣太學行釋奠禮以顏淵曾參孔伋孟軻配享

此四配  
之始

金大德十一年七月追封孔子爲大成至聖文宣

王

明正統三年禁祀孔子於釋老宮 嘉靖九年釐

正祀典改稱至聖先師孔子詔天下文廟俱撤塑

像易以木主

國朝崇德元年遣官致祭孔子廟 順治二年定文  
廟諡爲大成至聖文宣先師孔子 十四年改諡  
爲至聖先師孔子 康熙二十三年秋九月  
御書萬世師表匾額頒發天下學宮 二十五年  
御製孔子贊 序曰蓋自三才建而天地不居其功  
一中傳而聖人代宣其蘊有行道之聖得位以綏猷  
有明道之聖立言以垂憲此正學之所以常明人心  
之所以不泯也粵稽往緒仰溯前徽堯舜禹湯文武  
達而在上兼君師之寄行道之聖人也孔子不得位

增修登州府志

卷十

學校

四

窮而在下秉刪述之權明道之聖人也行道者勳業  
耿於一朝明道者教思周於百世堯舜文武之後不  
有孔子則學術紛淆仁義湮塞斯道之失傳也久矣  
後之人而欲探二帝三王之心法以爲治國平天下  
之準其奚所取衷焉然則孔子爲萬古一人也審矣  
朕巡省東國謁祀闕里景企滋深敬摛筆而爲之贊  
曰清濁有氣剛柔有質聖人參之人極以立行著習  
察舍道莫由惟皇建極惟后綏猷作君作師垂統萬  
古曰惟堯舜禹湯文武五百餘歲至聖挺生聲金振

玉集厥大成序書刪詩定禮正樂既窮象繫亦嚴筆  
削上紹往緒下示來型道不終晦秩然大經百家紛  
紜殊途異趣日月無踰羹牆可晤孔子之道惟中與  
庸此心此理千載所同孔子之德仁義中正秉彝之  
好根本天性庶幾夙夜勗哉令圖溯源洙泗景躅唐  
虞載歷庭除式觀禮器擿毫仰贊心焉遐企百世而  
上以聖爲歸百世而下以聖爲師非師夫子惟師於  
道統天御世惟道爲寶泰山巖巖東海泱泱牆高萬  
仞夫子之堂孰窺其藩孰窺其徑道不遠人克念作

增修登州府志

卷十

學校

五

聖

御製四配贊 顏子贊曰聖道早聞天資獨粹約禮  
博文不遷不貳一善服膺萬德來萃能化而齊其樂  
一致禮樂四代治法兼備用行舍藏王佐之器 曾  
子贊曰洙泗之傳魯以得之一貫曰唯聖學在茲明  
德新民止善爲期格致誠正均平以推至德要道百  
行所基纂成統緒修明訓辭 子思子贊曰於穆天  
命道之大原靜養動察庸德庸言以育萬物以贊乾  
坤九經三重大法是存篤恭慎獨成德之門卷之藏

密擴之無垠 孟子贊曰哲人既萎楊墨昌熾子輿  
闢之曰仁曰義性善獨闡知言養氣道稱堯舜學屏  
功利煌煌七篇並垂六藝孔學攸傳禹功作配 頒  
示天下勒碑學宮 三十五年三次  
親征噶爾丹朔漠永清遣官祭告聖廟及闕里

御製告成太學文頒示天下勒碑學宮

後平定各  
方皆同

雍正三年

諭孔子聖諱查毛詩作古文作期音者甚多嗣後除  
四書五經外凡遇此字並加卩旁爲邱地名亦不必

增修登州府志

卷十

學校

六

更易但加卩旁讀作期音 四年頒發

御書生民未有匾額

諭每歲八月二十七日至聖先師孔子誕辰內外文  
武各官俱致齋一日不理刑名禁止屠宰永著爲令

乾隆二年頒發

御書與天地參匾額 嘉慶四年頒發

御書聖集大成匾額 道光元年頒發

御書聖協時中匾額 咸豐元年頒發

御書德齊幃載匾額 同治元年頒發

御書聖神天縱匾額 光緒元年頒發

御書斯文在茲匾額

四配顏子子思子位殿東西嚮曾子孟子位殿西

東嚮

明以前皆稱封爵嘉靖九年改稱某聖某子國朝因之

復聖顏子

名回字子淵魯人顏無繇子漢永平十五年祀七十二弟子顏子位第一魏晉

以後祀孔子均以顏子配饗

宗聖曾子

名參字子輿魯南武城人曾點子唐開元八年從祀宋咸淳三年配饗

述聖子思子

名伋字子思伯魚子宋大觀二年從祀咸淳三年配饗

亞聖孟子

名軻字子輿一字子車鄒人宋元豐七年配饗

增修登州府志

卷十

學校

七

十二哲閔子冉子端木子仲子卜子有子位殿內

東序西嚮冉子宰子冉子言子顓孫子朱子位

殿內西序東嚮

明以前稱封爵嘉靖九年改稱先賢國朝因之有子朱子同

閔子

名損字子騫魯人

冉子

名耕字伯牛魯人

冉子

名雍字仲弓魯人

宰子

名予字子我魯人

端木子

名賜字子貢衛人

冉子

名求字子有魯人

仲子 名由字子路 人作卞人

言子 名偃字子游 以上字俱唐開元八年從祀

卜子 名商字子夏 魏人一作衛人 唐貞觀

顓孫子 名師字子張 陳人唐開元八年 從祀

有子 名若字子魯 人唐開元八年 從祀

朱子 名熹字晦 宋婺源人 淳祐元年從祀

兩廡 各十二楹 臺高三尺 內祀七十二賢 及先賢先

先儒某子 國朝稱先賢 先儒不稱子 又周程張

朱五子 明稱先儒 崇禎十五年 改稱先賢 升七十

增修登州府志

卷十 學校

八

東廡從祀先賢位皆西嚮

公孫僑 字子產 鄭公族 國朝咸豐七年從祀

林放 字子邱 魯人 唐開元二十七年 從祀 明嘉

原憲 字子思 魯人

南宮适 南宮複姓 字子容 魯人 适一作縉

商瞿 字子木 魯人

漆雕開 漆雕複姓 字子開 魯人一作字若 蔡人

司馬耕 司馬複姓 字 子牛 宋人

梁鱸 鱸一作鯉 字 叔魚 齊人

冉孺

字子皙魯人一  
字子魚魯人一

伯虔

字子楷魯人一  
字子處魯人一  
字子析魯人一

冉季

字子產魯人一

漆雕徒父

字子從魯人一  
字子文魯人一

漆雕哆

字子斂魯人一

公西赤

字子華魯人一

任不齊

字子選魯人一

公良孺

字子正魯人一

公肩定

字子堅魯人一  
字子仲魯人一

增修登州府志

卷十

學校

九

鄭單

字子家魯人一

榮游

字子祺魯人一  
字子旂魯人一  
字子祈魯人一

左人郢

字子魯魯人一  
字子魯魯人一

罕父黑

字子罕魯人一  
字子索魯人一

鄭國

字子徒魯人一  
字子本魯人一  
字子辭魯人一  
字子邦魯人一  
字子從魯人一

原亢

字子桃魯人一  
字子藉魯人一

廉潔

字子庸魯人一

叔仲會

字子仲魯人一  
字子復魯人一  
字子期魯人一

公西輿如

字子西魯人一

邽異

子異 一作選 一作名 國選字

陳亢

一字子亢 一字子禽

琴張

一張 一作子牢 字子開

步叔乘

步叔復 姓字子車

秦非

字子之 魯人

顏會

會一作噲 字子聲 魯人 從祀

顏何

字冉 一作魯人

縣亶

十亶 一作豐 字子象 魯人 以上俱唐開元二

二年 復祀

增修登州府志

卷十

學校

十

牧皮

魯人

樂正克

周人

萬章

齊人 正 以上俱國

周敦頤

字茂叔 宋人

程顥

字伯淳 宋河南人 從祀

邵雍

字堯夫 宋河南人 從祀

西廡從祀先賢位皆東嚮

蘧瑗

字伯玉 衛人 唐開元二十七年 從祀 明嘉

澹臺滅明

澹臺複 姓字子羽 魯武城人

宓不齊

魯字子賤

公冶長

一作魯人  
長字子齊  
一作魯人  
長字子齊  
一作魯人  
長字子齊

公皙哀

公皙哀  
一作魯人  
皙字季次  
一作魯人  
皙字季次  
一作魯人  
皙字季次

高柴

字季羔  
一作魯人  
作衛人

樊須

字子遲  
一作魯人

商澤

字季魯  
一作魯人

巫馬施

一作魯人  
施字子旗  
一作魯人  
施字子旗  
一作魯人  
施字子旗

顏辛

字柳魯  
一作魯人  
幸字

曹邴

字子循  
魯人

增修登州府志

卷十

學校

公孫龍

公孫龍  
一作魯人  
龍字子石  
一作魯人  
龍字子石

秦商

字子丕  
一作魯人  
楚字不

顏高

字子驕  
一作魯人  
高字子喬  
一作魯人  
高字子喬

壤駟赤

字子駟  
一作魯人  
從秦人  
壤字子徒  
一作魯人  
壤字子徒

后作蜀

一作魯人  
成紀人  
后字子明  
一作魯人  
后字子明

公夏首

公夏首  
一作魯人  
夏字子乘  
一作魯人  
夏字子乘

后處

字子里  
一作魯人

奚容蒧

字容蒧  
一作魯人  
奚字子皙  
一作魯人  
奚字子皙

顏祖

字子襄  
一作魯人  
襄字子相

句井疆 句井複姓 字疆 衛人一

秦祖 字南魯 一作秦人

縣成 字祺 一作字期

公祖句茲 公祖複姓 字之魯人

燕伋 伋 作字思 秦人一

樂欬 字聲 欬 一作人

狄黑 字皙 一作字

孔忠 忠 一作弗 字子蔑

公西蒧 字上 一作字子蒧

增修登州府志

卷十 學校

顏之僕 字叔魯 一作字

施之常 字子恆 一作人

申根 字周魯 根 一作黨 一作棠

左邱明 左邱複姓 魯中都人 唐

秦冉 字開魯 人 唐開元二十七年 從祀明

公明儀 公明複姓 國朝

公都子 公都複人

公孫丑 齊人 以上俱祀國

張載 字厚 宋大梁

程頤 字正叔 顯弟 宋河南人 祀

東廡從祀先儒位皆西嚮

公羊高 齊人

伏勝 字子賤 漢濟南鄒平人 祀

毛亨 漢趙人 祀

孔安國 字子國 孔子十一世孫 祀

后蒼 字近君 漢東海郟人 祀

許慎 字叔重 漢汝南召陵人 祀

鄭康成 名元 字康成 東漢北海高密人

增修登州府志

卷十 學校

范甯 字武子 晉順陽人 祀 以上俱唐貞觀二十一年改祀於鄉 國朝雍正

二年 復祀

陸贄 字敬輿 唐嘉興人 祀

范仲淹 字希文 宋邠州人 後徙吳縣 祀

歐陽修 字永叔 宋廬陵人 祀

司馬光 字君實 宋夏縣人 祀

謝良佐 字顯道 宋上蔡人 祀 國

羅從彥 字仲素 宋延平人 祀 明

李綱 字伯紀 宋邵武人 祀

張棡字敬夫宋縣竹人

陸九淵字子靜宋金溪人

陳淳字卿宋漳州龍溪人

真德秀字希元宋浦城人

何基字恭宋婺州金華人

文天祥字瑞宋江西南昌人

陸秀夫字實宋鹽城人

趙復字仁甫元人

金履祥字吉夫元人

增修登州府志

卷十 學校

陳澹字可久元江西南昌人

方孝孺字希直明台州寧海人

薛瑄字德温明河津人

胡居仁字叔心明餘干人

羅欽順字允升明泰和人

呂柟字仲木明高陵人

劉宗周字起東明山陰人

孫奇逢字啓元明直隸容

張履祥字考夫同治九年朝嘉興桐

陸隴其

湖字稼書正國朝浙江平

張伯行

封字孝先光緒二年朝河南儀

西廡從祀先儒位皆東嚮

穀梁赤

魯字元始

高堂生

俱字伯魯人本齊公族以上

董仲舒

順字廣川人元至

劉德

光字河間王從祀國朝

毛萇

亨字趙人

杜子春

唐字南緱氏人以上俱

增修登州府志

卷十

學校

十五

諸葛亮

字孔明後漢瑯琊陽都人

王通

河字仲淹隋龍門人後家

韓愈

人字退之唐南陽從祀武

胡瑗

人字翼之宋泰州海陵

韓琦

國字穉圭宋宰相州人

楊時

明字中立宋將樂人

尹焞

人字彥明一治八年從祀

胡安國

明字康侯宋崇安人

李侗

萬字愿中宋劍浦人

呂祖謙

字伯恭，宋東萊人。後徙壽州，景定二年從祀。

袁燮

字和叔，宋鄞縣人。朝同治七年從祀。

黃幹

字直卿，宋福州閩縣人。朝正福二年從祀。

輔廣

字漢卿，宋趙州人。朝緒五年從祀。

蔡沈

字仲默，宋建陽人。元建陽人。元定子。明正統元年從祀。

魏了翁

字華父，宋邛州人。朝元正二年從祀。

王柏

字會之，宋婺州金華人。朝正二年從祀。

許衡

字仲平，元河內人。朝正二年從祀。

吳澄

字幼清，元臨川崇安人。朝正統八年從祀。嘉靖九年，罷祀。

增修登州府志

卷十

學校

十六

許謙

字益之，元金華人。朝正二年從祀。

曹端

字正夫，明澠池人。朝正豐十年從祀。

陳獻章

字公輔，明新會人。朝正十年從祀。

蔡清

字介夫，明福建晉江人。朝正福二年從祀。

王守仁

字伯安，明浙江餘姚人。朝正萬曆十二年從祀。

呂坤

字叔簡，明甯陵人。朝正光緒六年從祀。

黃道周

字幼平，明福建漳浦人。朝正光緒五年從祀。

陸世儀

字道威，朝正光緒十年從祀。

湯斌

字孔伯光，朝正光緒三年從祀。

祀典

上順治初年定制直省府州縣歲以春秋仲月上丁日釋奠先師於州縣中祀如遇

陳設

東先師及四配禮神制帛各一十二哲兩廡西帛各一色皆白先師正位籩豆案一上設爵一爵三登一罏一罏二簋二籩十豆十燭臺二籩一爵一罏一罏二殿中少西設祝案香案一上設祝版架一東設尊桌一殿中少西設祝案一具實酒於瓶西設尊桌同八配位四案每爵三罏二籩二簋八豆八籩一燭臺二

增修登州府志

卷十

學校

十七

四豆四共籩二尊二俎二內各盛羊一豕一位案設銅籩一燭臺二兩廡二位共一案單位仍獨設一案每位一爵一罏一案籩一籩四豆四共籩二尊六獻爵六俎二內各盛羊一豕一位總香案二各設銅籩一燭臺二

齋戒

有司祭前致齋二日不飲酒不茹葷腥有司祭前疾不聽音樂不理刑名

省牲

牲奉司祭前一日具公服詣省牲所祗割

祭品

黍稷酒帛牛羊豕登實太羹鉶實鹿脯餅黑餅豆實韭菹菁鹿醢魚鮓魚鮓鹿醢芹苴

祭器

木定爵以竹易之陶器色皆用銅不加飾籩編

造髹以漆俎用木髹以丹漆毛血槃用陶各從  
其色現用木篚木籩木豆銅爵瓦登瓦劓瓦尊

木篋木簋木俎香鑪燭臺帛巾盥  
盤毛血槃齋戒牌祝版架皆具

### 樂器

定制鑄鐘二特磬二編鐘十六編磬十六琴  
六瑟四簫六笛六排簫二篴四壎二笙六大

鼓一搏拊二祝一敵一木笏六羽籥  
各三十六麾一旌節二柶簾皆具

### 樂章

順治十三年頒文廟大成樂章康熙五十五年  
年題准文廟樂章皆取平字之義乾隆八年

頒新製樂章春用夾鐘清商立宮倍應鐘變  
宮起調秋用南呂清徵立宮仲呂清角起調

### 迎神昭平之章

大哉孔子先覺先知與天地參萬世之師祥徵

麟紱韻答金絲日月既揭乾坤清夷

## 增修登州府志

### 卷十

學校

十八

### 初獻宣平之章

予懷明德玉振金聲生民未有展也大成俎豆

千古春秋上丁清酒既載其香始升

### 亞獻秩平之章

式禮莫愆升堂再獻饗協鼗鏞誠孚壘獻肅肅

雍雍譽髦斯彥禮陶樂淑相觀而善

### 終獻敘平之章

自古在昔先民有作皮弁祭菜於論思樂惟天

牖民惟聖時若彝倫攸叙至今木鐸

謝神懿平之章

先師有言祭則受福四海鬻宮疇敢不肅禮成  
告徹毋疏毋瀆樂所自生中原有菽

送神德平之章

鳧繹峩峩洙泗洋洋景行行止流澤無疆聿昭

祀事祀事孔明化我蒸民育我膠庠

祝版

用白紙黃緣黑書前期學官飭吏恭書并書  
正獻分獻各官及執事姓名榜祭月朔榜送

府鈐印懸挂  
於大成殿後

祝文

增修登州府志

卷十

學校

十九

維 先師德隆千聖道冠百王揭日月以常昭

自生民所未有屬文教昌明之會正禮節樂和

之時游泮水而采藻芹式陳籩豆遵辟雍而樂

鐘鼓恪薦馨香典重崇儒禮隆配享粵若 復

聖顏子 宗聖曾子 述聖子思子 亞聖孟

子既近承夫道脈宜分配夫明裡茲當春秋仲祇

肅懿章爰展微忱聿修祀典尚饗

儀注

祭日五鼓蕪庭燎文武各官朝服詣廟門外  
下馬碑前步行由左右庠門入集更衣廳靜

候起鼓鼓初嚴各官起立整冠帶鼓再嚴詣階  
下立文東武西鼓三嚴正獻官及分獻陪祭各

官就位瘞毛血迎神樂奏昭平之章樂舞執蓋  
首貢奉鑪迎神於戟門外各官傍立一揖復位  
行三跪九叩禮樂止行初獻禮樂宣平之章  
正獻官盥洗由東階升入殿左門詣首貢師神  
位前跪獻帛獻爵一叩詣祝案前跪首貢捧祝  
版傍跪樂止讀祝文畢正獻官一案前跪首貢  
配位前獻帛獻爵退由西階降復位分獻官詣  
十二哲及兩廡先賢先儒位前獻帛獻爵復位  
行亞獻禮樂奏秩平之章正獻分獻如初獻儀  
奠爵於左畢俱復位行終獻於右畢分獻叙平之章  
正獻官當拜位亞獻儀奠爵於右畢分獻叙平之章  
正獻官當拜位亞獻儀奠爵於右畢分獻叙平之章  
一叩復位徹饌樂奏懿平之章舞執蓋首貢捧鑪  
叩禮送神樂奏德平之章樂舞執蓋首貢捧鑪  
送神於戟門外各官傍立一揖復位讀祝者捧  
祝司帛者捧帛詣燎所各官傍立復位讀祝者捧  
揖復位禮畢三獻舉樂皆用舞

增修登州府志

卷十 學校

二十

大成門

三楹臺高四尺兩旁有掖門宋建隆元年詔  
立十六戟於廟門大觀四年增立二十四戟

如王者制故名戟  
門今稱大成門

泮池

在大成門前

櫺星門

三楹兩旁有掖門即廟門

明倫堂

在大成殿後按元至正十三年雲南行省平  
章大成殿後建明倫堂貯經史因下其式於

諸路明洪武十五年詔置臥碑於堂內國朝因  
之堂外舊有敬一亭明世宗嘉靖五年作敬一箴  
頌之太學詔郡邑學校皆鐫石並刊  
程子四箴范氏心箴作亭覆之久廢

順治九年頒發卧碑

朝廷建立學校選取生員免其丁糧厚以廩膳設

學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許于與人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師亦當盡心教訓

勿致怠惰

一軍民一切利病不許生員上書呈言如有一言

建白以違制論黜革治罪

一生員不許糾黨多人立盟結社把持官府武斷

鄉曲所作文字不許妄行刊刻違者聽提調官治

罪

尊經閣

在明倫堂後宋大中祥符元年幸曲阜敕賜太宗御製書九經三史書并置文廟書樓上

此學宮賜書之始歷代因之今藏頒發書籍

崇聖祠

原名啓聖祠宋大中祥符元年封孔子父爲齊國公慶歷八年詔於聖殿後立廟奉安元

增修登州府志

卷十

學校

二十一

至順元年加封爲啓聖王明嘉靖時去封爵令天下學宮皆立啓聖祠祀叔梁公國朝因之至雍

正元年追封五代皆王爵合祀於祠遂更名爲崇聖祠乾隆五年頒發太學成式令祠內並建兩廡

祀先儒

肇聖王木金父位殿正中南嚮

裕聖王祈父位在左

詒聖王防叔位在右

昌聖王伯夏位次左

啓聖王叔梁紇位次右皆南嚮

配饗先賢孔氏顏氏孔氏位殿東西嚮曾氏孟孫

氏位殿西東嚮

明嘉靖九年定配饗從祀稱先

孔氏

名孟皮字伯尼孔子兄

顏氏

名無繇字路一作名由字季路顏子父唐開

曾氏

名點字皙一作字子皙曾子父點一作蒧唐

孔氏

名鯉字伯魚子思父宋咸淳三

孟孫氏

名激字公宜孟子父

東廡從祀先儒位皆西嚮

周氏

名輔成宋周敦頤父

程氏

名珦字伯温宋程顥程頤父明嘉靖九年從祀

增修登州府志

卷十

學校

二十三

蔡氏

名元定字季通宋蔡沈父諡文節明嘉靖九年從祀

西廡從祀先儒位皆東嚮

張氏

名迪宋張載父國朝雍正元年從祀

朱氏

名松字喬年宋熹父諡靖明嘉靖九年從祀

祀典

每年春秋仲月上丁日釋奠於先師有司先祭崇聖祠牲用少牢

陳設

正位及配位禮制帛各一案兩廡東西帛各一色皆白正位五案每案一爵三劔二簋二籩八豆八筐一尊一共俎五內各盛羊一豕一案香鑪燭臺二配位五案每案一

三簋

一籩一案香鑪燭臺二配位五案每案一

盛羊

一豕一案香鑪燭臺二配位五案每案一

祝案

一豕一案香鑪燭臺二配位五案每案一

尊疏

布一霧勺祝版酒於瓶西兩廡二位共一案

單位仍獨設一案每案爵三簋一簋一籩一簋四豆  
四共篚二俎二內各盛羊一豕一每案香鑪一  
燭臺

祝版制與大成殿同

祝文

維 王累葉鍾祥光開聖緒盛德之後積久彌

昌凡聲教所覃敷率循源而溯本既追隆於先

聖爰推本於先賢粵若 先賢孔氏 先賢顏

氏 先賢曾氏 先賢孔氏 先賢孟孫氏篤

生賢裔宜配薦香用申守土之忱敬舉明禋之

增修登州府志

卷十 學校

典尚饗

儀注 祭日正獻官分獻官入祠門就位瘞毛血迎  
神行二跪六叩禮正獻官盥洗詣五聖王

位前跪行初獻禮獻爵一叩詣讀祝位跪  
祝奉祝版傍跪讀祝文畢一叩分獻官詣兩

配從祀位獻帛獻爵復位亞獻終獻均如初儀  
正獻官詣飲福位跪飲福酒受福胙一叩復位

徹饌送神行二跪六叩禮畢  
旁立望燎一揖復位禮畢

名宦祠

各在大成門外之東明洪武四年詔天下學  
祠附學宮之始祠國朝順治初年定制直省府州

縣建名宦賢二祠於學宮內每歲春秋釋奠  
先師同日以少牢祀之皆有通祀今惟紀特祀各

同兩廡按祠中有祀皆地方官主祭祭品  
官其通祀者附詳於後又府學所祀各州縣

學亦宜通祀其已詳府學各學即不復載

北魏東牟太守邢臧

隋牟州刺史辛公義

唐登州刺史嚴浚

後周登州刺史郭進

宋知登州侍其曙 劉渙 李師中 馬默 蘇軾

登州通判宗澤

金登州通判吳邦傑

元登州同知張起巖

明登州知府周斌 林弼 畢汝舟 朱希顏 徐

增修登州府志

卷十 學校

二十五

問 劉鏞 參政管府事 馮崑 鄭漳 劉涇 李承選

魯廷彥 同知李鉞 前蓬萊知縣 張學 弋正 見舊志今增入

登萊巡撫袁可立 登萊道周之訓 蓬萊知縣

邢琦 登州副總兵沈有容

按通志載登州名宦尚有晉東牟太守龐伉唐登州刺史畢元愷韋俊登州司馬鄭昞五代登州團練使李萬超宋登萊等處都巡檢使李繼昌知登州郭志高趙滋許遵馬知節團練防禦使趙溥明登州知府段堅戴瑤海防道温如玉登州衛世襲指揮金友勝登州總兵張可大 楊御蕃皆 宜增祀

國朝登州道連登 登州知府徐可先 登州通判

李芝蘭 登州總兵張公諒 李林盛 劉清

按通志乾隆三年核實國朝以來山東名宦  
有宜通祀者檄令府州縣皆祀之今祠內所祀  
有直隸山東河南三省總督李蔭祖朱昌祚山  
東巡撫郎永清楊廷耀山東賑饑原任安微巡  
撫李鈞山東學政趙申季任塾山東布政使陳  
極新按察使吳毓珍蘇昌臣督糧道朱廷楨是  
也此外通志所載及各州縣學所祀尚直隸  
山東河南總督張存仁山東總督袁懋祖宋澤  
蔣國柱周有德徐旭齡佛山東總督祖澤有直  
道總督靳輔張鵬翮陳鵬年布政使喻成龍王  
用霖劉斯崑侯居廣施天裔衛既濟蘇宏祖按  
察使胡文華牟犖蔡琦學政施閏章徐炯濟東  
泰武臨道韓鎬宋廣業又通志登萊道丁蕙水  
登州總兵楊捷府楊奇烈登萊道丁蕙水師游  
擊滕國祥  
皆宜增祀

增修登州府志

卷十 學校

鄉賢祠

賢在大成門外之西祀闔屬鄉

學額

廩膳生四十員增廣生四十員附學生歲科試  
各取二十員武歲試取二十員各屬以附

生額二十員為大學生十五員者為中學十二員  
者為小學每遇覃恩廣府學七名各屬大學

七名中學五  
名小學三名

學田

舊志明萬曆十三年知府王以纁置地五百三  
畝三十三萬年巡鹽御史余懋衡置地三百三十

三畝三十七年知府劉道置地二百四十畝四十  
八年巡鹽御史畢懋康置地一百二十畝四十四  
海防參政李本緯置地一百五十分四十六年巡  
府陶朗先置地一百一畝五分四十六年巡按御  
史畢懋康置地五十六畝一巡按御史于廷徵儀  
置地九十四畝五十七年巡按御史于廷徵儀  
一百一十四畝五十七年巡按御史于廷徵儀  
一百一十四畝五十七年巡按御史于廷徵儀  
一百一十四畝五十七年巡按御史于廷徵儀

州每年學租皆由各縣起運詳徵

### 瀛洲書院

在城西門外君洲上明嘉靖二十八年知府周愨始就洲畔結茅為亭萬曆三十年

七年副總兵吳有孚崇禎十年知府顧瞻君盛各重

立木坊二日尺蓬萊一日龍增建堂廡今

曰蓮洲書院乾隆十一年知府張勤望重修改今

名原捐院前地八畝八分給齋役耕種餘銀一千

四百兩又棲霞縣捐銀八十兩地八段歲收息銀

租銀以供經費道光八年知府惠吉勸捐重修大

門原東向改為南向內增左右廂各三楹講堂

五楹曰藹吉堂後西廂為學舍東廂曰流翠亭

廳事五楹曰有斐堂後廳後草舍十數楹復籌銀八

百兩錢四千二百緡發蓬樓招萊榮五縣各商生

息同治六年防禦拏匪致將積款提用僅存銀一

千兩錢三千緡光緒四年知府賈瑚首倡捐得

銀五千一百兩錢三千七百二緡以銀一千三百

兩增建後廳五楹東西廂各三楹為山長宅後又

築室九楹為齋役舍其餘銀檄十屬發商生息

并詳各憲立案永遠不挪用每月府縣各課各十

課皆扁門而試額取生童正課外又有加課規模具備

名隨課無定數山院長正課外又有加課規模具備

矣隨舊道東書院在舊察院東本武庫舊址明

嘉靖三十九年知府盧立創建萬曆四十年推

官白儲昭更為大東書院又資政書院在府堂後

### 試院

舊校士館在府治東後廢遂以密分橋東明崇

先所重修之察院改為試院久漸頹敝道光十

年知府英文倡捐增修并建提調官廳一道光

龍門坊內東西文場及大堂後檐下共一千七

十號大堂東西偏為箭亭堂後穿堂懸匾二百

冰雪自怡為康熙三十七年學政陳珂製一蓬

萊仙苑二堂內懸道東齋舊匾為吳江陳沂震製

## 增修登州府志

## 卷十

學校

二十七

後廳五楹內懸雲水光一匾為道光十九年學政劉繹製舊有石數笏為明時故物乾隆間學政翁方綱題曰小石帆後石移於署其匾猶懸院中咸豐六年知府汪承鏞勸捐重修餘銀五百兩發商生息以備歲修

### 蓬萊縣學宮

舊在府治東明洪武九年知縣張謙徙洙泗橋北成化十五年知府張鼎拓建

殿廡正德五年圯於水知府房瑄遷置府學東知縣焦端增建號舍嘉靖九年巡按熊榮遷春生門內萬

曆十九年知縣董守緒遷於洙泗橋北三十五年知縣邢琦開泮池建尊經閣崇禎五年毀於兵九年

海防聖祠康熙八年知府楊日盛知縣高崗雍正六年

年知縣楊一正乾隆二年知縣葛仕周四十七

年知縣何人麟嘉慶八年知府百歲知縣楊續時魏

### 增修登州府志

### 卷十 學校

二十八

捐重修明倫堂左右為進德修業二齋東為教諭宅

西為訓導宅後訓導宅圯借居府學東舊義學內道

光二十三年重建於教諭宅東

### 崇聖祠

在學宮東偏

### 名宦祠

宋知縣劉潛  
明知縣李鉞 邢琦

國朝知縣王大有 陸獻 縣丞沈朝楷

賢 按通志蓬萊名宦尚有明知縣蔣國朝知縣劉士冠皆宜增祀

### 鄉賢祠

明禮部尚書陳迪 御史許銳 河南參政閻琮

漢陽知府何亮 御史趙秉倫 陝西巡撫任忠

應天府尹陳鼎 大寧都司戚景通 祠中舊無其名而府學祀

之今 御史浦鋹 王言 少保戚繼光 刑部 增入

尚書陳其學 御史浦之浩 戶部主事吳國相

御史吳昶 戶部主事張詡 益王府長史何熹

衛輝知府吳之美 御史孫以仁 川北道徐逢

聘 大理寺丞陳人登 項城知縣李元善 河

南副使梁之垣 刑部郎中王述善 思州知府

增修登州府志

卷十 學校

二十九

陳夢琛 大理寺卿陳夢琬 黎城知縣陳夢璋

封戶部主事張伯龍 開封推官張瑤

國朝贈通議大夫沙夢石 封通議大夫沙應鶴

禮部尚書沙澄 祠中舊無其名而沙氏家乘詳載始末今增入 贈上高知

縣楊大觀 定遠知縣徐杆 水師游擊滕國祥

石首知縣張杰 正定知府王啓曾

忠義孝弟祠 舊在縣學東乾隆五十八年重修與節孝為一祠光緒六年知府賈瑚知縣江

瑞采改建於昭忠祠前今在學西祀五代王仲昭

宋王居卿高敏明陳迪王聰衛青韓汝成許銳陳

安趙秉倫何亮陳鼎王鑿浦德蔣繼宗戚景通任

忠浦鋹趙秉常戚繼光陸鎬王言陳其學吳昶陳

人第沃田陳人登陸僑王世祿李株陸明張

徐鏗徐逢聘李元善陶性張延光沃獻明承光

陶致煒唐鉞董心印王述善陳夢琛張瑶王承光

陳夢瑋陸儒徐應魁巨金徐芳劉養德王九成

衛時春戰朝用方俊黃允恩梁秉國朝沙夢石徐杆

吳胍鬯解有才徐濱王鳳肇琦戚忠周乘運傅天

爵滕國祥蔣鴻瑞孫顯祖王琦戚可先王裁成王

德劉養民于錚陶士貞葛覃楚周璞舊有祭田四

十八畝在浦家窪義孝弟刊刻姓氏於其上故者設

縣於學宮內建忠義五年定制各省殉難紳士庶民

牌位於祠中嘉慶五十年定制各省殉難紳士庶民

節孝祠重修縣學東光緒六年知府賈瑚知縣江瑞采

坊直省府州縣於學宮附近處建節孝祠門外建大

增修登州府志 卷十 學校 三十

已故者設牌位於祠中嘉慶五年定制各省殉難

婦女於本邑節孝祠內除婢女而外其餘坊將所

未及十歲者毋庸設位仍於通衢總建一坊將所

有姓氏鐫刻於上春秋致祭與忠義孝弟祠同

學額廩膳生員二十員增廣生員十名歲

學田舊志明萬曆三十二年知縣邢琦置地四百

十知府陶朗先置地二百三十四畝共收

穀九十七石今俱無存通志學田十一頃四

九畝三分四兩八錢七分釐由縣徵解

義學

龍復元建久廢一在國朝康熙五十年知府李元

社學

知縣成克襄建今俱廢

義學

應元建久廢一在國朝康熙五十年知府李元

宮龍

咸豐四年知府汪承鏞即開元寺普照寺三元

官設義學三所捐錢八十緡又撥瀛洲書院  
贏餘息錢六百四十緡發商生息以爲經費

### 黃縣學宮

在縣治北樂育坊唐開元至元間創建金貞祐

文貞大德三年縣尹王英至大二年主簿李延壽明

洪武三年知縣侯冕各增修正統中知府楊鐸建兩

廡知縣劉淵張弁程顯賈璋相繼修之知縣張彙選

建名宦鄉賢二祠崇禎五年殿燬於兵知縣任中麟

倡捐重修并建射圃今廢國朝順治十二年知縣

崔萬仍修大成殿啓聖祠康熙二年殿災知縣王作

重修并修名宦鄉賢二祠康熙四十年訓導宅圯僦居

民舍訓導杜燦然勸捐修之康熙十年知縣繩直倡捐

建尊經閣并修戟門嘉慶十二年知縣張明倫堂左

重修道光二十九年知縣宋煒圖復修葺明倫堂左

右爲崇德徙義二齋堂北

爲教諭宅西爲訓導宅

### 崇聖祠

在明倫堂東

### 增修登州府志

### 卷十

學校

三十一

### 名宦祠

宋縣令林旦

元縣尹孔文貞 王英 王大德

明知縣劉淵 蘇明 王中達 杜時騰 孫振基

### 陳讚

巡海道

按通志黃縣名宦尚有明知縣嚴節吳世揚縣

丞張國輔登標參將張奇功守備熊奮渭皆宜

### 鄉賢祠

周澶于髡

秦博士淳于越

宋太子中舍淳于雍

明山西副使王道一 四川巡撫王繼光 贈少傅

范從簡 平涼知府王耀時 繁柏知縣賈上進

國朝湖南按察使王允中

忠義孝弟祠

在普安寺東祀孝行王禧孫朝重李茂林胡東英劉志相王繼思同治初移忠

烈祠所祀明知縣吳世揚縣丞張國輔訓導姜夢豸主簿蓋瑾典史吳茲參將張其功守備熊奮渭

都司劉光祖石泉知縣王皋門瀘州同知張問達生員陳孔道王樹勳等於祠內按忠義孝弟祠專

祀本邑之人今官民合祀殊非

增修登州府志

卷十 學校

三十一

節孝祠

在普安寺西北內祀歷代節烈婦女

學額

廩膳生二十員增廣生二十員附學生原額十二員咸豐十一年廣六員今歲科試各取十八

員武生亦廣六名今歲試取十八名

學田

舊志舊地五百八十八畝零明萬曆四十四年知府陶朗先置地一百二十畝歲共收穀四十四

四石通志學田七頃三十畝三分學租由縣徵解

士鄉書院

在縣署東南道光二年知縣馮廣颺倡捐創建舊存發商生息錢一千緡又收萊山

廟地百畝及官房筏戶之租同治十年知縣尹繼美復取東郭外地租益之以供經費舊有河濱

書院在城東門外知縣賈璋建後廢為慧燈庵

試院

在知縣院西偏道光二十九年知縣宋煒圖勸捐創建

社學

北在縣治西  
今廢

義學

附文廟

福山縣學宮

在縣治東南金天會間置縣時創建元  
延祐七年主簿祁祖謙至正三年縣尹

王世英明洪武初知縣王諒各增修天順間知縣段

堅拓地重修并建櫺星門成化間知縣郭玉增堂齋

宏治間知縣應珊建尊經閣嘉靖間副使李易發公

帑命千戶李瀛修葺萬曆六年知縣華岱修啓聖祠

及名宦鄉賢二祠三十一  
年知縣葉繼龍鑿泮池四十年知縣宋沾重修三十六

路建坊國朝順治間知縣李正華康熙七年知縣

張大本各重修十五年三十年邑人捐貲重修明倫

堂後為教諭宅

堂西為訓導宅

崇聖祠

在學宮東偏

增修登州府志

卷十

學校

三十三

名宦祠

明知縣段堅

宋沾

彭葦輝

朱國梓

按通志福山名宦尚有  
明知縣韋國賢宜增祀

鄉賢祠

明河南布政使孫遇

刑部郎中郭天錫

兵部尚

書郭宗皋

温縣知縣郭如核

文水主簿王久

任

國朝贈光祿大夫王道增

戶部尚書王隲

廩生

王暉

承德知縣鹿廷瑄

贈承德郎謝玟

忠義孝弟祠

縣在櫺星門東今名忠孝祠雍正六年知

之清歲貢生鹿兆賡王應召王紀

節孝祠

建在忠孝祠內亦顧澗

學額

廩膳生二十員增廣一員今歲科試各取三十

員武生亦廣一名

學田

十萬歷六年知縣葉繼龍置地十三畝五分六

年知府陶朗先置地三十四畝知縣宋奎置地

善置射圃四分今俱無存通志

賓陽書院

一在縣西北一里乾隆十

增修登州府志

卷十

學校

三十四

社學

舊在城西門外明洪武九年知縣蔡希仁建

二十九所俱久廢

棲霞縣學宮

建在縣東門內大大安元年縣令李景道

重建明洪武三年主簿牟敬祖正統間知縣郭實正德間

鳳成化間知縣婁鑑路真宏治間知縣郭實正德間

教諭李渥嘉靖間知縣李祐李揆各重修萬曆九年

誥修明倫堂三十四年知縣曹烈開雲路國朝順

治九載法舜修兩廡星門四十年知縣鄭占春

知縣何逢青蔡紹洛各八年知縣鍾徐燭李慤存

修明倫堂西增射圃一區堂後築

杏壇其西為教諭宅東為訓導宅

崇聖祠

舊在文廟之東明萬曆二十七年知縣張雲霽改建明倫堂後

名宦祠

金縣令李自牧

元縣丞王鼎臣

明知縣張鑾 陳貴 李升吉 婁鑑 郭實 主

簿牟敬祖 教諭吳怡 冀綸

國朝知縣方傳植

鄉賢祠

漢清河太傅轅固

增修登州府志

卷十

學校

三十五

明都御史高翼 御史張綱 重慶知府解延年

鶴慶知府林恂 應天府尹孫祿 無極知縣郝

守棧 戶部主事崔應登 守備李日舒

國朝贈內閣中書牟作孚 國子監助教銜郝元第

御史牟昌裕 福建布政使于際清 戶部主事

郝懿行 觀城訓導牟庭

忠義孝弟祠

在學宮內雍正三年建即尊經閣故址祀明孝子段忙兒孝孫林有李義行韓

嘉桂孫秉彝林茂宋遵周劉文萃林峪郝源潘世

儒于才美千瀛李慶善 林再思李超然蔣於

節孝祠

舊在西門內雍正三年建乾隆十七年知縣

於文廟東庠門內  
祀歷代節烈婦女

學額

廩膳生二十員增廣生二十員附學生歲  
科試各取十五員武生歲試取十二名

學田

分明萬歷十九年知縣何思鼇置地四十畝  
分今無考四十四年知府陶朗先置地八十畝

租銀學官經收九年鄒口鐵口二社謝克初等捐  
地百七十畝九年鄒口鐵口二社謝克初等捐

畝皆知縣衛葭捐地七年畝八分貢生李慶善捐地四  
畝皆不歸官地每年租粟給養貧生通志學田

一頃二十畝  
租田縣徵解學

霞山書院

在縣南門內道光二十五年知縣方傳植  
創建舊存錢二百五緡同治間知縣何

立經籌錢五百緡又地房租錢十緡以供經費  
錢一百二十緡又地房租錢十緡以供經費

增修登州府志

卷十 學校

試院

在書院西偏道光二十  
六年知縣方傳植創建

社學

今在北門內天齊廟  
一廢又各鄉公所俱久廢

義學

一在鄭占春建  
縣在鄭占春建

招遠縣學宮

在縣治西南季燬於兵元初縣尹孫  
愈復建元貞二年主簿樊珪建大門大

德八年主簿馬受建教官宅九年主簿王琳至正中  
縣尹王信鄧紹忠各重修明洪武十年知縣丁廷舉

修殿廡及明倫堂成化十年知縣張哲李勉增修萬  
曆十三年知縣趙時亨明倫堂天啓七年教諭徐

有載鑿泮池崇禎二年教諭張貫斗重修國朝順  
治十五年泮池崇禎二年教諭張貫斗重修國朝順

德凝道二齋今  
為教諭訓導宅

崇聖祠

名宦祠

在櫺星門西

元縣尹史繼民

陳子恆

明知縣申良

羅錦

按通志招遠名宦尚有北魏曲成令杜彌明知縣張哲李勉胡昂皆宜增祀

鄉賢祠

在名宦祠西

漢山桑侯王常

魏東武侯王基

明贈資德大夫楊州牧

國朝英山知縣李澍

增修登州府志

卷十

學校

三十七

忠義孝弟祠

在名宦祠東祀明義士王湯臣温明先

節孝祠

在文昌廟西南隅嘉慶二十二年知縣俞熊重修祀歷代節烈婦女

學額

廩膳生二十員增廣生二十員附學生歲科試各取十二員武生歲試取十二名

學田

萬歷四十四年知府陶朗先置地一百畝崇禎初邑紳楊觀光捐地一百四十七分贍給寒士

通志學租由縣徵解

羅峯書院

在北門裏迤東同治十年知縣趙敏功創建十一春知縣趙國珍踵成有田四百

十六畝七分以供經費

試院

在書院儀門後有箭亭

社學

在縣西

義學

舊在文廟前今移於書院內

萊陽縣學宮

舊在縣治西南唐會昌間創建宋咸平

王擇善遷於縣治東南大德三年縣尹王革重修六年

年縣尹程珪建講堂明洪武三年知縣賈則智永樂

三年知縣李泰正統六年知縣郭敏成化四年寧海

同知署縣事程禮五年知縣陳英宏治二年知縣吳

昂各增修嘉靖三年知縣左思忠建聖祠十四年

知縣周大桂重修三十四年知縣牛山木改建殿廡

崇聖祠

增修登州府志

卷十

學校

三十八

名宦祠

在尊經閣左側

魏長廣太守何夔

元縣尹王革 程珪 韓夢昌 王擇善

明知縣賈則智 李泰 郭敏 陳英 顧章 吳

昂 張惟 沈俊 司迪 左思忠 王于民

牛山木 祁鯤 程時建 程子侃 蔡夢齊

楊州鶴 文翔鳳 賀自鏡 沈嘉顯 縣丞陳

奎 王禮 主簿陳韜

國朝知縣張可立

按通志萊陽名宦尚有  
明知縣梁衡宜增祀

鄉賢祠

在戟門  
外右側

金汾州判官趙植 寧昌軍節度使趙格

元行臺御史中丞姜彧

明陝西僉事于守禮 浙江副使宋黻 戶部侍郎

曲銳 大名通判徐銘 副都御史李鐸 張夢

鯉 僉都御史孫旬 汝寧同知宋兆祥 山西

僉事張嗣誠 刑部郎中左之龍 戶部主事孫

必大 贈知縣宋述 贈副使趙啓思 贈知府

增修登州府志

卷十

學校

三十九

董獻策 湖廣參政趙鵬程 長洲知縣宋繼發

御史遲大成 劍州知州張嗣謨 中書科中書

趙士驥 吏部郎中宋應亨

國朝僉都御史周伯達 河南汝南道張瑞徵 四

川按察使宋琬 陳留知縣張重潤 鄆陽推官

孫揚聲 戶部郎中高啓元 臨安知府王勗陞

忠義孝弟祠

祀周正輿子王湫明徐銘馬負圖王溥  
王懷義李臣盧昌咸英王用隋潮于河

王琇王寬接恩荀通姜勉仁蓋瑞蓋威姜炳姜正  
芳徐炳徐燦董鎮于甯宋積喬從善于澤尉世傑

趙雲龍周繼祖尹天麟孫節位志高遲應舉趙部  
張雄展迪左文昇劉起蛟姜仁張垂統左懋第左

懋賞張重曜劉國琦張允拮周頌左敦  
生劉君玉國朝孫揚聲薛俊于殿俊

節孝祠 祀歷代節婦烈女

學額 廩膳生二十員 增廣生二十員 附學生原額十五員 雍正二十年廣五員 今歲科試各取二十員

武生歲試 取十五名

學田 縣志共地一百五十八畝 九分三釐 舊志萬歷四十年知府陶朗先置地二百畝 通志學

田三頃五十一畝二分 徵解

盧鄉書院 舊在城內東南隅 今移於南門大街道東 為故四川按察使宋琬宅 安雅堂 址道光

十二年知縣章寅改建 牛山木創建 久廢 儒學 東明嘉靖間知縣牛山木創建 久廢 在

試院 在書院內

增修登州府志

卷十 學校

四十

社學 在儒學東南明成化中知縣吳昂建 今廢

義學 在城西門內

寧海州學宮 在州治東南金皇統元年建 元至順二

秩永樂十三年知州周文鼎正統三年知州林元美 成化四年姜埏知州李津各重修 嘉靖十七年同知州

陳賓十六年知州李津各重修 嘉靖十七年同知州 仲宇改舊制 建先師殿於東而學署居西 二十年

巡海道李易發公帑增修 購民地為學 正訓導宅指 揮李若璿捐地以廣雲路 隆萬以後知州馬汝平蘇

惟肖張以翔王以仁 天啓間知州周崇禎間知州 李鳴環各修葺 葺國朝順治十五年知州王之儀修

州聖祠暨兩廡康熙七年學正蔣士萃乾隆二年知 州周濬各重修 九年知州李湖修 門正張宗光

慶二年知州愛明星倫堂後為學正宅大門之西 為訓 募貲大成殿明倫堂後為學正宅大門之西 為訓

導宅射圃舊在  
州治東今廢

崇聖祠 在大成殿後

名宦祠

明知州林元美 汪逢淵 州吏目魏世達

國朝知州劉文淇

按通志寧海名宦尚有金刺史完顏哀烏古論榮祖元知州郭侃指揮張元禮明知州郭容皆宜增祀

鄉賢祠

東漢司徒太尉劉寵

增修登州府志

卷十 學校

四十一

明兵部尚書趙仁 御史俞价 雲南副使常康

大同通判王日新

國朝青城訓導李初妍 山西參議楊維喬 姚安

通判李挺生 漢陽知縣曲聖凝

忠義孝弟祠

在名宦祠東祀明忠烈黃柱張國儁董柱王俊王檣宮應蛟宮若峒賀繩前

賀永齡王在鎬王青孝子姜瑜卜懷于乾傳大亨曲諧悌弟王棟 國朝孝子曲復一蘇欲初蘇建 乾

節孝祠

祀歷代節烈婦女

學額

虞膳生三十員增廣生三十員附學生原額十五員同治二年廣一員今歲科試各取十六員

武生亦廣一名今

學田

州志舊地三十六畝七分八釐四分今無考舊志地

牟平書院

舊在州治東南乾隆五年知州周道濟創

試院

在書院內儀門內

社學

明成化四年知州姜壘創建後惟餘東西各

義學

在州署東街

文登縣學宮

舊在城東南隅宋靖康間燬於縣治東元延

祐四年縣尹侯公修講堂明洪武間知縣張鳳宣  
間知縣劉勛天順間知縣辛三畏鑿泮池建名宦鄉賢二祠  
重修嘉靖間知縣李需光關雲路建坊崇禎二年教諭李  
萬歷間知縣李需光關雲路建坊崇禎二年教諭李  
為珩國朝順治三年知縣文武光祖康熙十一年知  
縣邵沆三十四年知縣朱應文光祖康熙十一年知  
炳雍正二年知縣何燧五十九年知縣倪企望嘉慶二  
四十七年知縣董錫齡各重修道光八年知縣范興榮  
十年知縣董錫齡各重修道光八年知縣范興榮  
修十年知縣董錫齡各重修道光八年知縣范興榮  
竣明倫堂左右為東西二齋東為教諭宅西為訓  
導宅靖海衛學明正統四年指揮潘興建嘉靖六  
年海道馮時雍萬歷間守邑紳宋廷訓國朝順治  
教授周馥翰康熙間守邑紳宋廷訓國朝順治  
雍正三年年裁衛後遂廢威海衛學正統四年  
建嘉靖六年海道馮時雍萬歷間守邑紳宋廷訓國朝順治

卷十

學校

啓五年指揮李世勳崇禎二年指揮王運隆陶運化  
國朝順治康熙間守備朱孚吉教授王瀛王謙志  
守備韓公遠雍正四年教授張介正各  
重修十三年裁衛而學宮至今猶存

崇聖祠

在學宮東偏

名宦祠

金縣令王瑜 史嗣真

明知縣張鳳 李敬 成山衛學教授姜篋

鄉賢祠

漢司農鄭康成

金朝請大夫郭長倩

增修登州府志

卷十

學校

四十二

元萊州尹鞠思誠

明高邑知縣孫範 保安知州劉必紹 工部尚書

叢蘭 慶都知縣黃承宗 鞏昌通判叢磐 山

西參政鞠思讓 山西參議宋廷訓 歲貢生于

應第

國朝贈承德郎畢多馨 峽江知縣于鵬翰 淮安

知府戚崇進 禮部主事劉燁 生員于性篤

戶部侍郎于可託 贈御史呂元和 餘干知縣

呂瑋 候選州同于可寄 封承德郎于可均

通政使呂琨 進士賚玉紘 山西提學僉事賚

璋 江蘇巡撫徐士林 御史林鍾岱

忠義孝弟祠

在學宮西偏祀金孝子王震明孝子劉鑑孫鵬王賢劉瀾江憲于宏道于奮義

忠孝黃朝鐘忠義于通鞠鉞忠烈畢高義民畢叔廣楊斌邢智陳諫 國朝孝子孫士傑王起泰畢

璞如忠烈谷生 賢義行于其玃

節孝祠

在縣治西重國朝雍正二年建道光十五年重修祀歷代節烈婦女

學額

廩膳生二十員增廣生二十員附學生歲科試各取十五員武生歲試取十二名

學田

學宮碑刻舊地十畝明萬曆四十六年知府陶朗先置地一百二十畝今俱無考通志學田

二頃六十五畝又撥入四畝九分學租由縣徵解靖海衛學田附縣今亦湮沒威海衛學田明

增修登州府志

卷十

學校

四十四

萬曆十三年清查共地七十畝四分後漸迷失國朝雍正十三年裁衛學田附寧海州合學呈請

留學以備修葺存案

文山書院

在縣署南明天啓間知縣解啓衷建一名崇文書院國朝康熙間知縣朱應文重

建并捐地二百六十畝松嵐一區草房二十楹乾隆四十年重修又邑紳捐地二百四十畝又張天

敘捐地十六畝又高村官地一畝皆收糧租以供經費舊有長學書院在縣西長學山下相傳為

鄭康成隱居講學處又崑陽書院在鄭伴庵右創於蓬萊黃霽芝今俱廢

試院

在書院東咸豐四年知縣趙敏功建

社學

一在縣治南一在內一在東關一在東門外又在各鄉社學七所俱廢康熙三十五年知

縣朱應文於西門內建一所亦俱廢年知縣王一夔建各鄉四所亦俱廢

義學

在縣署前今廢又各鄉四所靖海威海裁衛名

在副將署西副將梁灝署都司徐英

榮成縣學宮

在縣治東本成山衛學在衛治西北明

嘉靖四年海道馮時雍遷於衛治南國朝順治萬曆間重修

天啓七年復遷於衛治之南國朝順治萬曆間重修

堂康熙五十八年教授戴灃署守備韓公遠重修

十衛立縣因爲縣學乾隆三年知縣羅克昌建崇聖

祠十二年知縣陸儀李瀚嘉慶二十一年知縣李象

溥各重修明倫堂左右

爲齋房東偏爲教諭宅

崇聖祠在大成殿後

名宦祠

增修登州府志

明成山衛教授姜篋

國朝水師游擊滕國祥

鄉賢祠

忠義孝弟祠

節孝祠

學額

學田

成山書院

員武生歲試  
取十六名  
廩膳生二十員增廣生二十員附學生原衛額  
續志成山衛學田舊附文登裁衛立縣  
撥威海衛田爲學田共九畝八分  
新在縣治東北嘉慶十四年知縣張畬

義學

在城內知縣王所建  
韓亞熊重修今廢

海陽縣學宮

在縣治東本大嵩衛學明永樂間建成  
化四年萊陽知縣陳英建大成殿東西

庶嘉靖三十四年萊陽知縣牛山木重修  
正十三年裁衛立縣因爲縣學乾隆三年知縣包桂

增修咸豐二年知縣王文燾重修  
倫堂左右爲齋房其東爲教諭宅

崇聖祠

在大成殿東

名宦祠

明大嵩衛指揮張聰 李勳

國朝大嵩衛守備朱之良

鄉賢祠

增修登州府志

卷十

學校

四十六

明平陽通判趙景星

國朝兵部侍郎李贊元 湖廣僉事趙作舟 庶吉

士李本涵 沂州游擊王斌 戶部主事王作哲

戶部員外郎王坦 徐州總兵邢洛書

忠義孝弟祠

在鄉賢祠後 國朝乾隆六  
年知縣包桂建祀孝子胡隆

節孝祠

在名宦祠前祀  
歷代節烈婦女

學額

廩膳生二十員增廣生二十員附學生原衛額  
八員歸併靖海衛額八員今歲科試各取十六

員武生歲試  
取十六名

學田

續志大嵩衛學田久廢今存續置地八畝八分  
衛藉田爲學田舊附萊陽裁衛立縣撥靖海

學海書院

勳在東門內文昌祠後光緒三年知縣王敬

費經

試院

創在書院內道光十六年知縣鄧肇嘉

社學

廢久

義學

集一在城內潮音寺一在崖頭  
廢今設於文昌祠內

增修登州府志

卷十

學校

四十七